

行道德三五七九二四六八三三之氣蒙恩
如願精神專固各得無他謹承師法拜章一
通願為臣妻身中三官考君君吏黃書契令
腹目君將吏中黃戊巳百節君吏真一君將
吏太和君將吏天節地節人節三旒建節四
時八節五行為合三五功曹斗杓君將吏中
胎真人赤白涌白泄君將吏九氣丈人建召
君將吏此某郡縣鄉里中用事生氣諸官君
將吏等言功三百等將吏言功二百等兵士
言功五十等上詣中官二官謁受收錄署使
曹隱職各加其秩等數加常科比無令恚恨
者某有千罪萬過併蒙赦免臣妾及其身中
陰陽生氣通利五藏六腑十二宮室肌骨堅
強面目潤澤橫行天下覆載成就乞可為後
世種民令惡逆絕滅口舌官符一切執伏以
為効信息惟慈父聖母分別求哀操過度謝
生言功中章一通上詣上三天曹

上清黃書過度儀

太上洞玄靈寶二部傳授儀

階八

度思微定志局第一初入壇或在堂左
第二次師仍北向禮經三拜弟子在北
向南對師禮三拜第三次師還西面東
向立思

鳴法鼓二十四通

无上三天玄元始三炁太上老君召出巨身
中三五功曹左右官使者左右捧香驛龍騎
吏侍香金童傳言玉女五帝直符各三十六
人出開啓此間土地里域真官正神臣今正
爾燒香度法願得太上十方真正生炁入我
身中所啓速達運御

次長跪出官曰

謹出巨其身中五體真官功曹吏出巨身中
上三天執法開化陰陽功曹度道消災散禍
解厄君吏各十二人出巨身中治職君吏其
治建節監功大將軍前部効功後部效殺驛
庭令驛庭逐四部監功謁者巨身中仙靈直
使正一功曹治病功曹左右官使者陰陽神
訣吏科車赤符吏罡風騎置吏驛馬上章吏

飛龍騎吏等各二人出出者嚴裝顯服冠帶
垂纓整其威儀直使功曹戴通天之冠衣皂
紉單衣正一功曹冠朱陽之幘絳章單衣使
者冠九德之冠五色壽命單衣腰帶虎符牌
執玉板直使功曹住立四方正一功曹住立

中央治病功曹營衛巨身左官使者建節在
前右官使者持幢在後陽神決吏立左陰神
決吏立右上部功曹住立上方中部功曹住
巨身中促炁功曹催促十方上部使者遠望
上天中部使者遠瞻八方都官使者而繞臣
身狼吏虎賁察軒鈎騎都官僕射天騶甲卒
天力士收炁食炁吏收神食神吏收鬼食
鬼吏收邪食邪吏收精食精吏收毒食毒吏
誅符破廟吏科車赤符吏罡風騎置吏驛馬
上章吏飛龍騎吏屯駐臣前後左右功曹使
者嚴裝事竟羅列爾薄關啓靈寶官屬領仙
監齋君吏天師所布下二十四治三十六靖廬
七十二福地三百六十名山崑崙等上宮三
萬六千神日月星辰璇璣玉衡天地五帝三
界官君將吏及道上二玄三元四始四面方

位風蒸注炁甲子諸官君將吏考君君東九
夷胡老君南八蠻越老君西六戎氏老君北
五狄羗老君中央三秦僉老君五嶽四瀆丘
沼君諸廟神祇所在高山山川溪谷山林五
長十二溪女根源本始土地之主社稷將吏

一時嚴裝與巨身中功曹使者飛龍騎吏上
啓太上无極大道太上大道君太上老君太
上丈人无上玄老十方无極大道道德聖
天尊至真大帝天帝天師君靈寶監齋大法
師諸官君臣受法之日要當宣通法音讚揚

大化傳授後學開度天人今有某郡縣鄉里
男女生某甲潔已清行志求神仙已受三洞
大度之法玄宗難悟未極真途今齋信放心
求受天尊所演思微定志兩半圖局十戒要
訣丹情慊苦不可違逆第八臣輒依法與甲對齋
日限事竟今付度解脫謹拜黃縉赤表一通
功曹使者飛龍騎吏以時騰奏上詣
上上太上曹表露在玉案上分別請省

次讀表
次鳴鼓三通曰

臣重因眾具上官功曹使者飛龍騎吏分別
開奏操臣拜度定志戒訣黃縉赤表一通上
聞清玄御前無令下官故炁邀藏公文令不
上達臣閉口无昇表到
三天曹伏須告報標表伏地竟仍復官如上章法

次師起左迴還南面北向弟子還北
面南向相對師長跪曰

具位法師某岳先生臣某甲稽首再拜上啓
太上无形无名虛无自然至真大道无上元
尊太上大道君十方无極大道道德聖天
尊至真玄中大法師太極真人玄一三真人
天師君臣以下愚行尸臭肉宿命緣會謬荷
非分進受大法三寶尊經未能栖隱幽林超
絕塵迹又不能敷宣皇教廣建福田濟度苦
行立功補過而混同常人魔俗不別大道多
恩賜全首領得有今日視息三光恩深施重
實在罔極臣某誠惶誠恐稽首頓首死罪死
罪蓋聞神經尊貴非凡陋之徒所可施行妙
義淵曠非賤臣小子淺識肉眼所可仰瞻臣
僥倖之運遭遇際會三洞御世搜選種人得

以微質叨忝靈文臣受經始淺未宜宣露今
壬辰之運太平已近禍福交行自非得道之
夫年劫難保雖人心難測賢者勤求不宜閉
絕謹有某郡縣鄉里男女官道士某甲潔已
清行志求神仙已受三洞大度之法玄宗難
悟未極真途第八今齋信効心求受天尊所演思
微定志兩半圖局十戒要訣丹情慊苦難可
違逆今謹依玄科分券受局傳說禁戒告誓
三官約不妄宣謹以上聞須報施行臣某誠
惶誠恐稽首再拜以聞

次讀局文曰

清虛自然四炁本是一散為兩半因氤氳之
炁分半下降四體合為一受思微定志經不
行五逆上昇反乎一清虛自然因在欲時受
思微定志十戒之勳自然漸昇十方无極天
尊功德不住處於長樂不受思微定志為惡
不止自然為積下降枉魂故枉魂自然招上
半下人此半盡兩半成一盡從此入十八地
獄不住餓鬼畜生又復四體合為一為惡下
降為善上昇无色色界欲界无色天空不

住色天空不住欲天空不住无住一切空空
无住不得住 一百七十七字

次畫一師受捉筆上弟子手捉筆下
共畫一左就右弟子隨師言曰

畫一之後謹依契令尊道貴德崇重師寶修

齋持戒救度生死自此外違負科法一如
明真之文

次破局券 男弟子得左
女弟子得右

次刻環 左言左右言右
子隨師而言

次刻環 右言右左言左
上師又言曰此三師即是天

尊在方其人
右在其人

次師以環貫局券置案上

次弟子向南長跪執丹水當心師向

北啓盟曰

太上靈寶无上三洞 或洞玄 法師某嶽先生

臣某敢告丹水某郡縣鄉里甲乙年如千歲

操辭立誓投命詣臣求受思微定志兩半圖

局十戒要訣向已為拜黃繒章表列啓

太上象尊願盟盟君吏靈寶君靈寶丈人天

官地官水官三官君吏及某家七世祖考監

見其自來求生齋戒投心所受靈妙經旨訣
約承按大法奉尊俯仰檢口慎行棄諸色累
斷絕外想靜心夷默專志在法不得混濁更
相招引以亂真蒸每行大慈廣度一切國安
民豐四海寧一七祖父母皆得昇度身入光

明早生人中劫運終同飛上清其未仙度
五八為期不得中漫妄傳非其人愆盟負誓
輕瀆靈文生死父母長役幽夜風刀萬劫不
得有怨違諸禁戒一如明真之文

次弟子自誓曰

弟子某甲承真告命法師口訣不敢違負安

傳非其人殃延甲身要不負上下中央四面

八方正真神明令共吞盟水案法齋戒修行

妙旨乞弟子及師得度天災陽九百六甲申

大厄從劫到劫無有虧盈日月同曜三寶齋

輪伏受靈寶丈人三洞天文見生之恩

次師三喻丹水度與弟子三喻令盡

次師度局券與弟子長跪受男左手

取女右手取度者左手並繞腰三過

向師三拜次誦智慧三首竟迴心禮

十方次師法居南弟子向師禮三拜
心存見十方大聖在於上方乃受九
戒師說戒

天尊曰兩半成一其義有五卿等知乎二具
答曰已知不亦於彼清虛之炁因煙炁之交

分半下降就此四半合為一邪不亦或此假

一而為惡者致招自然之炁淪於三徒乎不

亦為善離此四半還登太虛復我清虛之炁

反我兩半處於自然乎天尊曰卿體之矣今

便以兩半輪轉圖局相示於空中下左真之

前天尊曰雖得此訣要當以九戒為本

一者不殺當念眾生

二者不淫妄行邪念

三者不盜取非義財

四者不欺善惡反論

五者斷酒常思淨行

六者宗親和睦無有非親

七者見人善事心助歡喜

八者見人有憂助為作福

九者一切未得道我不有望弟子某受戒

終身修奉禮師三拜

次弟子行誅智慧五首讚改華唱善

太上玄虛宗 弘道尊其經 俯仰已得仙

歷劫無數齡 巍巍太真德 寂寂因無生

霄景結空構 乘虛自然征 日月為炳燭

要樂未央

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志如金石 保子飛玄路

五靈度符籍

濟我六度行 故能解三羅 清齋禮太素

吐納養雲芽 逍遙金闕內 玉京為余家

自然生七寶 人人坐蓮華 仰嚮玄都捺

俯舍空洞瓜 容顏曜十日 冥計年劫多

法鼓會天仙 鳴鐘徵大魔

靈風扇香華 燦爛開繁袿 太真撫雲璈

衆仙彈雲琴 雅歌三天景 散慧玉華林

七祖昇福堂 由此步玄音 前世德未足

斯書選難尋 信道情不盡 圖飛乃反沉

太上無為道 弘之在兆心

學道由丹信 奉師如至親 挹景偶清虛
學學隨日新 衆人未得度 終不度我身

太上洞玄靈寶二部傳授儀



正一天師清微弟子 洪百堅 製作

洞玄靈寶八節齋啓儀

階九

法師冠帶執簡引道衆依位幡花幢節一

如常式

畫入戶祝叩齒三通呪曰

四明功曹通真使者傳言玉童侍靜素女為

我通達道室正神上元生氣入我身中說非

足左足右

夜入尸祝叩齒三通呪曰

四上功曹龍虎使者正一生氣侍靜素女夜

有所啓願得開童子上玄少女與我俱入

皇宮之裏通達所啓皆使上聞說非

次旋行遶高座一而還西向東平立

次都講唱各禮師存念如法

思經師所在之方心禮三拜願師得仙道我

身昇度

思籍師所在之方心禮三拜願師得飛仙為

我開度七祖父母早昇天堂我得道真昇入

無形

思度師所在之方心禮三拜願師得昇度上

登高仙為我開度五道八難名入仙錄我成